

**AT TU'N TKUB' NAJ IKY'B'IL TWITZ TNAM PAXIL KYI'J QWINAQIL CHI
WI'XIN TE ONU**

XITB'IL (toj junlaj q'ij te tjwe'yin xjaw te 2018), aju Wi'xin ajximil te ONU tib'aj kyoklen qxjalil, Victoria Tauli-Corpuz, oje kub' tla'jin t-xim ti'j yajb'il ex iky'b'il qxjalil toj Tnam Paxil, nq'uma'n ti'j tkuwlal chwinqlal, ti'j wayaj, kyi'j qe' xla'jb'il xjal toj najb'il ex b'iyb'il wnaq.

“Nim nxime ntzaj b'a'nxix tu'n tpaj tch'iyil mya' b'a'n tten chwinqlal twitz tnam ex tu'n tpaj mixti' xkub' naj iky'b'il nuk'un tten ex tib'aj tkuwil tq'onjtz pwaq tib'aj tten tkuwil tnam kye qxjalil” chi tzun Tawli-Korpus.

“Tej atintoqe twitz Paxil, kub' nchmo'n wi'b'e kyuk'il txqan xjal, aqe jotoq chi etz xla'jin toj tx'otx' ex mixti'toq tqanil toj tumel. Ex nxt'anje ka'yil txqan nejenel jponqe, aqe oje che'x b'ajsan noq tu'n junjun il mya' nim t-xilen ex oje chi ku'x jpon nimtoq”

“atzun tqalil il lu, aju tkuwil tu'n tten kyt'otx'. Aju tnam Paxil mixti' ma tb'incha'n kawb'il ex junjuntl tumel tu'n tkolit aju kyoklen xjal ti'j tx'otx', ti'j q'oj ex kyi'j junjun tixti' twitz tx'otx'. Minqe xjal nchi kyej q'o'n toj tkuwlal chwinqlal twitz junjun q'oj ex kyi'j txqan aq'untl nche'x b'incha'n extzun mixti' nxi' qanin kye mo mixti'x b'i'n kyu'n xjal aj t-xi' aq'unet”.

“aju ttab'lib'il il kyi'j nejenel aqe nchi jyon moyb'il il toj tumel tib'aj tx'otx', noq kych'iyil q'oj kyu'n twitz tnam. In ojqelin tu'n tel tniky', tu'n tkub' tzyu'n ex tu'n t-xi' taq'unan tnam Paxil aqe q'anb'il kyi'j il ti'j tten ttxolil kawb'il”.

“B'ajsb'il, waje tu'n tjaw nq'uma'ne qa aju tnam Paxil at tk'as na'm tchjet kye qe xjal ekub' b'yo'n toj q'oj”, tq'uma'n. “qa oje b'ant junjun tumel tib'aj q'umb'il tqanil tixti', se'n tumel aju jupb'il ti'j il Sepur Sarko, at nimx tten yajb'il tib'il ex atzun b'inchb'il tten b'a'n chwinqlal na'mx tb'inchet.

